

稗史叢書之一

古今宮闈秘記

上海進步書局印行

古今宮闈祕記卷二目次

后妃類上

女媧之腸

黃帝之母

素女

女節

蒙雙民

高辛氏

龍生子

相思室 望帝臺

塗山氏之母教

后妃類上 目次

女娃

九天玄女

嫫母

女樞

陸終氏

吞日生子

虹生子

吞薏苡而生子

純狐氏女

古今宮闈祕記 卷二

木喜之亡夏

簡狄

扶都

伊尹之母

譚美爲醜

太任

飛雪丹

天池水嬉

采香徑

麴袖折腰之舞

蒼龍據腹

孝惠張皇后外傳一

其二

景帝誤幸唐兒

尹邢避面

李夫人

拳夫人

王太后在民間所生女

撒帳始於漢武

陳皇后之感於巫祝

衛子夫

班婕妤

三日不死

趙后遺事

活人者與

王莽之平丁傳兩后誅

陰后仁孝

三年不食鹽菜

噉飲鐘乳

伏后之死於阿瞞

名璫取其中者

魏后之崇儉

玉衣覆身

泣問甄后死狀

吳公三絕

如意誤傷玉頸

后妃類上 目次

椒風舍

孝平后之投火

明德后之盛德

錄囚降雨

梁后之不妬

伏后負帝濟河

魏后之尊國法

孫夫人

甄皇后之仁孝

龍頭入夢

攏環臺

木美人

古今宮闈秘記 卷二

老物可惜

一門二后

離思賦

賈后之妬惡

婦人之妖

一夜生齒

十四歲女爲皇后

鄭櫻桃

清嬉俗室

張夫人

楊氏義不再辱

宋后遺令不附葬

興吾家者必此女也

楊后之袒賈氏

南風短黑

衣中有火

惠風之節烈

劉聰納劉氏六女

陳達妹

石勒后劉氏

殺后應星

毛氏不辱於姚萇

啓棺交合

因妒傷生

四

羊車望幸

夢食甌粥生乳

何妃之淫亂

潘妃作市令

鄒后化龍

半面粧

沈皇后之恬淡

輕薄物

保母爲太后

胡太后築九層浮圖

馮后自投火中

幽皇后之穢史

后妃類上 目次

皇后不視裸婦爲樂

紫光雲氣

步步蓮花

赤光照室

紫煙滿室

道士遺經

張麗華

辱井

置帝袴中

楊白華

此婦人佳乎

兔兆

古今宮闈秘記 卷二

夢日照身

婦人妬防王者不免

太后之落髮

李必感夢

識神武於微時

鶉鳴帳上

置百僧於內殿

黃花無父

弦斷賦詩

隋文之慙對其女

獨孤后之不貪明珠

同心結

蕭太后作述志賦

古今宮闈祕記卷二

后妃類上

女媧之腸

山海經有神十人。名曰女媧之腸。化爲神。爰處廣粟之野。橫道而處。

按近人小奢摩館脰象。載詹竹珊博極羣書。著鑑評四卷。力辨女媧非婦人。繫徵博引。確鑿不移。大旨謂女媧佐太昊以正婚姻。以重萬民之判。故曰神媒。曰女皇。非必婦人也。猶之取火曰燧人。構木曰有巢耳。輓近西方新發見之物。逞逞以發明者之名。名之。女媧之稱。亦猶是意。

女娃

山海經炎帝之少女。名曰女娃。女娃游於東海。溺而不返。故爲精衛。常銜西山之木石。以堙於東海。

黃帝之母

二

帝王世紀黃帝之母曰附寶。見大電繞北斗。樞星照郊野。感附寶。孕十四月。生黃帝於壽水。

九天玄女

玄女兵法蚩尤變幻多方。徵風召雨。吹煙噴霧。黃帝師衆大迷。帝歸息太山之阿。昏然憂寢。王母遣使者披玄狐之裘。以符授帝。佩符既畢。王母乃命九天玄女。授帝以三宮三音。陰陽之略。太乙遁甲。六壬步斗之術。陰符之機。靈寶五符五勝之文。遂克蚩尤於中冀。黃帝內傳玄女請帝製鐘鼓二十四以警衆。請帝鑄鉦鐃以擬電之聲。

素女

世本黃帝使素女鼓瑟。哀不自勝。乃破爲二十五絃。具二均聲。

嫫母

軒轅本紀黃帝妻醜女號嫫母。使訓宮人而有淑德。奏上德之頌。帝周行時。元妃嫫

祖死於道。帝祭之。以爲祖神。令次妃嫫母監護於道。以時祭之。因以嫫母爲方相氏。

女節

宋符瑞志。帝摯少昊氏母曰女節。見星如虹。下流華渚。旣而夢接。竟感生少昊。

拾遺記。少昊以金德王。母曰皇娥。處璇宮而夜織。或乘桴木而晝游。經歷窮桑滄茫之浦。時有神童。容貌絕俗。稱爲白帝之子。卽太白之精。降乎水際。與皇娥讌戲。奏媿娟之樂。游漾忘歸。窮桑者。西海之濱。有孤桑之樹。直上千尋。葉紅椹紫。萬歲一實。食之後天而老。帝子與皇娥。泛於海上。以桂枝爲表結。薰茅爲旌。刻玉爲鳩。置於表端。言鳩知四時之候。故春秋傳曰。司至是也。今之相風。此之遺象也。帝子與皇娥並坐。皇娥倚瑟而清歌曰。天清地曠。浩浩茫茫。萬象迴薄。化無方。洽天蕩蕩。望蒼蒼。乘桴輕漾。著日傍。當其何所。至窮桑。心知和樂。說未央。俗謂游樂之處。爲桑中也。白帝子答歌曰。維八埏眇難極。驅光逐影窮水域。璇宮夜靜。當軒織。桐峰文梓千尋直。伐梓作器成瑟琴。清歌流暢樂難極。滄湄海浦來棲息。及皇娥生少昊。號曰窮桑氏。亦曰桑

丘氏。

女樞

帝王世紀帝顓頊高陽氏黃帝之孫昌意之子姬姓也。母曰景僕。蜀山氏女。爲昌意正妃。謂之女樞。金天之末。女樞顓頊生於若水。宋符端志女樞見瑤光之星。貫月如虹。感已於幽房之宮。生顓頊於若水。首戴干戈。有聖德。

蒙雙民

博物志昔高陽氏有同產而爲夫婦。帝成之。至野相抱而死。神鳥以不死草覆之。七年男女皆活。同頸二頭四足。號蒙雙民。

陸終氏

風俗通陸終娶于鬼方氏。是謂女嬪。蓋孕而三年不育。啓其左脅。三人出焉。啓其右脅。三人又出焉。

高辛氏

搜神記高辛氏有老婦人。居于王宮。得耳疾。醫爲挑治。出頂蟲大如繭。置於瓠籬。覆之以盤。俄化爲犬。因名槃瓠。時戎吳強盛。數侵邊境。乃募天下有能得戎吳將軍首者。賞金千斤。分邑萬戶。又賜以少女。後槃瓠銜得一頭。直造王闕。王審視之。卽是戎吳少女。聞之。啓曰。槃瓠爲國除害。此天命使然。不可以女子而負約於天下。從之。槃瓠將女上南山。入谷止於石室之中。蓋經三年。產六男六女。自相配偶。後母歸。以語王。王遣使迎諸男女。衣服褊袒。言語侏儻。飲食蹲踞。好山惡都。王順其意。賜以名山。廣澤。號曰蠻夷。故世稱赤髀橫裙。槃瓠子孫。

吞日生子

拾遺記帝嚳之妃鄒屠氏之女也。女行不踐地。常履風雲。游於伊洛。帝乃期焉。納以爲妃。妃常夢吞日則生一子。凡經八夢。則生八子。世謂之八神。

龍生子

春秋合誠圖堯母慶都。蓋大帝之女。生於斗維之野。嘗在三河東南。天大雷電。有血流大石之中。生慶都。長大形象大帝。常有黃雲覆蓋之。蔑食不飢。年二十。寄伊長孺家。無夫。出觀三河。奄然陰風。赤龍與慶都合。有娠而生堯。

虹生子

宋書符瑞志。舜母曰握登。見大虹。意感而生。舜於姚境。目重瞳子。故曰重華。

相思室 望帝臺

述異記。湘水去岸三十里。有相思室。望帝臺。昔舜南巡而葬於蒼梧之野。堯之二女。娥皇女英。追之不相及。相與慟哭。淚下沾竹。竹文上爲之斑斑然。

吞薏苡而生子

吳越春秋。鯀娶於有莘氏之女。名曰女嬃。年壯未孳。嬃於砥山。得薏苡而吞之。意若爲人所惑。因而妊孕。剖脅而產高密家。於西羌地。曰石紐。遁甲開山圖。堯理天下。洪水旣甚。人民墊溺。大禹念之。乃化生於石紐山泉女。使暮

汲水得石子如珠。愛而吞之。有娠。十四月生子。及長。能知泉源。代父繇理洪水。

塗山氏之母教

列女傳塗山氏長女。夏禹娶以爲妃。旣生啓。辛壬癸甲。啓呱呱泣。禹去而治水。三過其家。不入其門。塗山獨明教訓。及啓長。化其德而從其教。卒致令名。

純狐氏女

楚辭注。湼娶純狐氏女。眩惑愛之。遂與湼謀殺羿。湼取羿妻而生澆。強梁多力。縱放其情。不忍其欲。以殺夏后相。安居無憂。日作淫樂。忘其過惡。卒爲相子少康所誅。

末喜之亡夏

列女傳末喜者。夏桀之妃也。美於色。薄於德。亂孽無道。女子行丈夫心。佩劍帶冠。桀旣棄禮義。淫於婦人。求美女。積之於後宮。收倡優侏儒狎徒。能爲奇偉戲者。聚之於旁。造爛漫之樂。日夜與末喜及宮女飲酒。無有休時。置末喜於膝上。聽用其言。爲酒池。可以運舟。一鼓而牛飲者三十人。騎其頭而飲之於酒池。醉而溺死者。末喜笑之。

以爲樂。造瓊台瑤室。以臨雲雨。殫財盡幣。意尙不饜。

簡狄

拾遺記商之始也。有神女簡狄。游於桑野。見黑鳥遺卵於地。有五色文。作八百字。簡狄拾之。貯以玉筐。護以朱紱。夜夢神母謂之曰。爾懷此卵。卽生聖子。以繼金德。狄乃懷卵。一年而有娠。經十四月而生契。祚以八百。叶卵之文也。按八百疑六百之誤。

扶都

帝王世紀主癸之妃曰扶都。見白氣貫月。意感以乙日生湯。故名履字天乙。是謂成湯。

伊尹之母

呂氏春秋有侏氏女子採桑。得嬰兒於空桑之中。獻之其君。其君令嬖人養之。察其所以然。曰其母居伊水之上。孕夢有神告之曰。曰出水而東走。母顧明日視曰出水。告其鄰。東走十里而顧其邑。盡爲水。身因化爲空桑。故命之曰伊尹。此伊尹生空桑。

之故也。

誣美爲醜

潛夫論。昔紂好色。九侯聞之。乃獻厥女。紂乃大喜。以爲天下之麗。莫若此也。以問妲己。妲己懼進御而奪己愛也。乃僞泣曰。君之年卽耆邪。明旣衰邪。何貌惡之若此。而復謂之好也。紂於是諭而以爲惡。妲己恐天下之愈進美女者。因白九侯之不道也。乃欲以此惑君王也。王而勿誅。何以革後。紂則大怒。遂脯厥女而烹九侯。自此之後。天下之有美女者。乃皆重室。晝閉。唯恐紂之聞也。

按妲己古本有從黜者。說文。黜。白之有黑也。字統。黜黑而有豔也。合兩說以究之。大約如今之女子。面有雀斑。有時仍不害其爲美者。或云妲己命名以此。其不美可知。宜其妬人之美也。

太任

列女傳。太任者。摯任氏中女也。王季娶爲妃。太任之性。端一誠莊。惟德之行。及其有

娠。目不視惡色。耳不聽淫聲。口不出惡言。能以胎教。搜於豕牢而生文王。文王生而明聖。太任教之以一而識百。君子謂太任爲能胎教。古者婦人妊子。寢不側。坐不邊。立不蹀。食不邪味。割不正不食。席不正不坐。目不視於邪色。耳不聽於淫聲。夜則令醫誦詩。道正事。如此則生子形容端正。才必過人矣。

飛雪丹

中華古今注自三代以鉛爲粉。秦穆公女弄玉有容德。感仙人蕭史爲燒水銀作粉與塗。亦名飛雪丹。

天池水嬉

述異記夫差作天池。池中造青龍舟。舟中陳伎樂。日與西施爲水嬉。吳王於宮中作海靈館。館娃閣。銅溝。玉檻。宮之楹檻。珠玉飾之。

采香徑

樂史太平寰宇記香山吳地記云。吳王使美人采香於此山。以爲名。故有采香徑。又